

habere rectores demones secundum sue natiuitatis figuram celestem: & nunc omnia generari & moueri præcipue a ratione seminaria. Dic quæso quæ nam est hæc uirtus uel ratio seminaria uniuersæ naturæ: uel propria minime dissonans uniuersæ quæ omnia generat & mouet præcipue: certe aliquid est celi superioris uel inferioris: sed cum celum & anima eius penetret uniuersa: & sit in omnibus & ubique: ita quod omnia continuata serie ac mira facilitate regantur a celo: ut inquit platonici: teste plotino: erit ergo hæc uirtus seminaria a celo: uel sane erit ratio seminaria uniuersalior: quàm celum. quid ergo disputat: & ab opere tanquam nimis uniuersales excludit influxus stellarum cum uirtutem seminariam sic potius excludere habuisset ab opere tanquam uniuersalior rem excludit insuper habitudines corporum celestium tanquam nobilissimas singula hec facere: sed interdum significare: non aduertens implicationem uerborum uel eorum impossibilitatem cum cause uniuersales sint priores: & potiores & cause primæ nobiliori modo influant quàm secunde. Ad hec si habitudines corporum superiorum nihil faciunt: quomodo fatetur per quotidianum cursum celestium inferiorumque causarum res qualitate mutari: non specie imo etiam multe res specie mutantur. in transmutationibus enim terminus a quo non est eiusdem speciei semper cum termino ad quem: ut patet. embrio difert specie ab homine: & tamen ex embrione fit homo: quid plura de ista uniuersalitate & mobilitate habitudinum superiorum corporum inter se: sunt ne habitudines superiorum inter se ita confuse ut surdæ: & irrationales sint & infinitæ: ut nullo actu comprehendi possint: quod certe nimis absurdum esset etiam modice considerati apud platonicos. si enim inter aliqua debet esse ordo & communicatio excellenter debet esse in diuinis ut inquit plato in timeo: & ibidem calcidius per musicam mundanam ordinem & communicationem rerum inuit motus certe celi recte habetur: & non sunt in operando ociosi: & iudicia ex communibus & uniuersalibus sunt certiora in omnibus scientiis: cum de illis sit scientia & communia derogent particularibus in iudicando. F. Credebam ex regulis aliqua excipienda: & illa esse particularia. exemplifica in hac re si placet. Astro. Habraham sapientissimus inquit quod omnis sapiens qui se imittit scientiæ iudiciorum signorum: & sapientia